

Partido MEP: Pabien y mas pabien na nos lider stima!

Awe lider di MEP y Ministro Presidente Nelson Oduber ta cumpli un aña mas di bida

ORANJESTAD - Awe 7 di februari 2009 ta un dia grandi pa Aruba, ya cu ta cumpli un aña mas di bida nos incansabel lider sr. Nelson Oduber, un persona cu durante su trayectoria den bida a demonstra cuanto e ta stima su pais Aruba, su familia y e familia grandi di Movimiento Electoral di Pueblo (MEP).

Nel a wordo acerca pa promer vez na 1975 pa subi riba lista di e prestigioso partido MEP. Na e ocasion ey Nel a firma blanco e lista di candidato demostrando asina su confiansa incondicional den e partido geel. Asina pues dia 25 di april 1975 como candidato no. 23 Nel a aparece riba lista di MEP y den su promer salida el a haña sosten considerabel di

e pueblo votador.

Nel como diputado: Den e mesun aña ey Nel a bira Diputado di Teritorio Insular di Aruba. Como diputado el a desplega trabaonan grandi pa nos pueblo, manera nos himno, bandera, ortografia, institucion di Arubus N.V., Aruba Ports Authority N.V., proyecto di containerhaven, fondo di pensioen pa e trahadornan di haf, edificio di Biblioteca Nacional, edificio di Domeinbeheer, Hotelvakschool Bushiri, construccion di oficinanan auxiliar di gobierno, Plan Sasaki, Coordinador pa Status Aparte, etc. Desde eleccion na 1977 y tur e eleccionnan cu a sigui Nel a ser eligi cu voto di preferencia. Na dos ocasion partido a haci un apelacion

riba su persona pa ocupa un puesto ministerial den e Gobierno Antiyano, pero Nel a prefera di sigui sirbi su pueblo como diputado pa e por a traha directamente pa su isla.

Nel como lider di MEP: Desde 31 di december 1985 Nel a bira lider interino di MEP y dia 8 di maart 1987 el a ser eligi como lider di nos partido, den cual puesto el a ser re-eligi na 1991, 1995, 2000 y 2005 como e unico lider politico cu desde 1986 a ser eligi den un forma democratico den un Congreso. Desde cu Nel a tuma e partido over di cual MEP tabatin 8 asiento den Parlamento na 1985, el a percura pa MEP a logra 10 asiento na 1989, unda cu pa un paar di voto mas MEP lo

a logra 11 asiento.

Bao di liderazgo di Nel den e eleccionnan cu a sigui na 1993, 1994, 1997, 2001 y 2005 partido MEP nunca a baha bao di 9 asiento, locual ta un logro hopi grandi, pasobra tur partido na Antiyas y Aruba di cual nan lider fundador a fayece a bai atras den voto y hopi di nan te hasta a caba na nada.

Nos tur por corda ainda con despues di fayecimento di nos Libertador Betico Croes a ser declara na Hulanda cu "Betico dood, MEP dood". Sinembargo awe MEP - bao liderazgo di Nel - ta un partido mas bibo cu nunca y ta cla pa enfrenta cualkier partido den e proximo eleccionnan.

Nel como Ministro Presidente: Despues di e

eleccion di 6 di januari 1989 Nel a bira e di dos Ministro Presidente di pais Aruba despues di Status Aparte, unda el a guia e unico gobierno cu a bay e periodo di 4 aña completo.

Den e eleccion di 8 di januari 1993, Nel a bolbe guia MEP na 9 asiento, unda pa di dos vez el a bira Ministro Presidente.

Despues di e victoria aplastante di MEP na 2001 Nel pa di 3 vez a asumi e encargo di Ministro Presidente di Aruba. Na 2005 Nel un biaha mas y esaki pa di cuater vez a pone un stempel den gobernacion Arubano, formando Gabinete Oduber IV y pa di dos biaha desde Status Aparte Nel ta guiando

Continúa A/23

Continuacion di A/22



Prome Minister, Nelson Oduber

cu tur honor un gobierno cu ta wordo sosteni door di un solo partido. Esaki ta un logro unico den Reino Hulandes, ya cu MEP ta e unico partido cu na dos ocasion sigui a saca un mayoria absoluto den un eleccion como pais Como Ministro Presidente

Nel a percursa pa logronan grandipa Aruba, manera entre otro e reapertura di e refineria Coastal cu awe ta Valero, traspaso di e terenonan den Seroe Colorado, sacamento di e fecha di Independencia 1996 for di den Statuut, firmamento cu SACE pa loka

ta e garantianan, firmamento di TIEA cu Merca, firmamento di e Acuerdo di extension di Customs Pre clearance, firmamento di e Acuerdo di Plant N.V.etc. Alavez nos lider a percursa pa independisa e companianan estatal y converti nan den N.V.-nan cu ta 100% den man di pueblo Arubano, esta WEB N.V. y Setar N.V. Tambe a percursa pa Setar cumpra Tele Aruba N.V. y Cable N.V.

Den nomber di gobierno el a firma contract pa compra di e compania di electricidad Elmar N.V. Un gran cantidad di logronan laboral tambe ta riba nomber di Nel Oduber: separacion di entradanan di pareha casa, arbeiders y

werksters a haya status di ambtenaar, pago igual pa trabao igual etc.

Integridad y honestidad di Nel: Den historia di politica Arubano y di Reino Hulandes nos lider Nelson Oduber semper a wordo admira pa su integridad y honestidad. Nel ta un homber corecto, decente y cu un curashi y determinacion cu ta dificil pa iguala.

Su espiritu di lucha y su dedicacion ehemplar na su condicion fisico ta haci cu Nel ta muestra cada dia mas joven y awe un y tur ta contento di mira nos lider cumpliendo un aña di mas di bida, yen di salud y cu hopi animo y

energia pa sigui traha pa su pueblo.

Alavez awe riba e fecha ta e momento propicio pa partido MEP gradici su señora Glenda, su tres yiunan, rumannan y demas familia pa comparti cu nos nan ser queri y cu siguramente a base di nan sosten y comprension a yuda nan esposo, tata y ruman yega caminda cu e ta awor.

Cu nos Creador drama su bendicion riba nos lider y pa e por cumpli hopi aña mas, yen di salud, dicha y felicidad rondona pa su seman queri.

"Nel, nos partido MEP ta hopi orguyoso di bo y nos lo sigui sostene bo como nos lider indiscutibel". Biba Aruba, biba MEP y biba Nel.



Premier Nelson Oduber su distinguida esposa sra. Glenda Oduber y su nieto Grandson.